

զափար տամ Գեղ, այստեղ առաջ եմ բերում 1914—1918 թվերի հարստահարութիւնների պատկերը.

- 1914—5 թւին ինքնիշխան խաները գիւղից տանում են 700 ոչ-խար և 500 գառ,  
 1916 » դրացի լոտերը հանդից տանում են 40 ոչխար:  
 1917 » » » գիւղից տանում են 500 թումանի արժողութեամբ ցորեն, ալիւր և շաքար:  
 1918 » » » գիւղից տանում են 100 թուման:

Սրա վրայ աւելացնենք և հողատէրերի հարստահարութիւնները. նրանք իւրաքանչիւր տարի 100 թուման ապօրինի հարկ են վերցնում:

Ահա այս պատճառներով գիւղացիների դրութիւնն այստեղ անտանելի է և ապրում են վերջին ծայր թշուառութեան մէջ:

№	Կ Ա Ր Գ Ե Ր	Շունչ
1	Աղբատ . . . . .	100
2	Չունեոր . . . . .	100
3	Միջակ . . . . .	150
4	Ունեոր . . . . .	50
5	Հարուստ . . . . .	10
	Ընդամենը	410

### Բ Ժ Կ Ե Ր Տ

Սուսնկից դէպի արեմուտք, մի ութերորդ ֆարսախ հեռաւորութեամբ, մի բլրի վրայ փռւած է Բժկերտ գիւղը. դա բանաստեղծական գիրքով զուտ հայաբնակ, մի փոքրիկ գիւղ է 22 տնով և 150 բնակչով, որից 80-ը արական է և 70-ը իգական: Գիւղի հիմք գցողները գաղթել են Փէրիայի հայաբնակ Սուսնկ գիւղից 70 տարի առաջ. նրանք պարապում են հողագործութեամբ և անասնապահութեամբ: Խմելու ջուրն աղբիւրի է, որը բղխում է գիւղի հարաւային կողմը փռւած մի ձորից և տեղացիներին մատակարարում առատ ջուր: Այստեղ տները կողք-կողքի են փռւած, մի և երկարկանի են և շինւած են քարերով ծածկւած ցեխից:

Գիւղն ունի այժմ չորս կալւածատէր.— Սուլթան Հա-